


Toffen, Christoph Anton

NECESSARIÆ
DILUCIDATIONES,
DE STATU PRÆSENTI
RERUM PUBLICARUM DUCA-
TUUM CURLANDIÆ.

MENSE JANUARIO 1770.



DILIGENDATIONE
DE STATE TRIBUNI
LEGI SUBTERRANAE
Cessioni, mediante qua Celsissimo Duci Petro, Regimen horum Ducatum à Celsissimo Patre Ejus, Duce Ernesto Joanne traditum fuit, tot dubia huc usque opponi arbitratum; præcipue affirmari posse opinatum fuit; quod circa Cessionem istam, si valida esse debuisset, casus Successionis Ducis Jacobi pro norma fuisset assumendus, & ejusmodi plura &c. ut eo magis internam veramque hujus negotii Statum, omnium ante oculos exponere opus fit.

Quod primo, negotium illud Successionis & Cessionis in Favorem Ducis Jacobi peractum attinet, illud ita se habet.

Pater Jacobi, Dux Wilhelmus, ob multa contra Supremum atque directum Dominium, citra nexum Feudalem commissa attentata, per Decretum Regis exfeudatus fuit,

3

fuit, Frater Ejusdem major natu, coregnans Dux Friedericus ob similia commissa simul accusatus, per Decretum regium & à Regia Commissione de Anno 1617 ab omni accusatione absolutus est.

Cum itaque Dux Friedericus circa Feudum quidem conservatus, ast sine prole esset, spemque nullam Descendentium haberet; successiouem ideo in Fratris Sui exfeudati, Wilhelmi Filium, Principem Jacobum transferre omnem navabat operam, quippe qui non amplius mediante persona Patris succedere poterat nullumque jam innatum Jus ad Feudum habebat, juxta claram Jurium feudalium dispositionem.

Vide Stryck. Exam. Jur. Feud. Cap. 23. qu. 46
& 47. Carpzov. Jurispr. For. Part. III.
Constit. 27. def. 6.

Jacobus igitur per ordinariam Successionem Feudum adire non potuit, sed unice & solum mediante intercessione Patrui sui, Ordinisque Equestris. Fridericus ergo apud Supremum atque directum Durinum pro Fratris sui Filio, accedente Ordine Equestri intercedere debuit. Provincia quidem Successionis Feudalis assecurationem quoque optabat, ob varia autem à Duce Wilbelmo post sui exfeudationem adhuc perpetrata attentata periculosa versus Supremum atque directum Feudi Dominum, & propter saepe interpositam protestationem contra Decreta Regia, & contra Ipsum Ordinem Equestrem, à Successione Filii ejus multa metuebat præjudiciosa. Ordo igitur Equestris in conventu publico anni 1621 non prius intercessionem decrevit, quam usqvedum de cautione Jurium Suorum atque prærogativarum ante futuram gubernationis

ditionem Jacobi, præstanta, securus redditus fuit. Incepta deinde Ordinis Equestris Intercessio continuata fuit in Conventibus publicis annorum, 1622, 1624 & 1625. Rex tandem Uladislaus, ad intercessionem Ducis Ordinisque Epuestris, Principem Jacobum Successionis capacem declaravit, eumque circa renovationem Investituræ feudalis Ducis Friederici, Vilnae, die 20. Julii anno 1633. ad contactum vexilli admisit. In Conventu publico anni 1638. die 22. Jan. Dux regnans una cum Ordine Equestri Delegatos suos ad Regem expedivit, ut provectione magis magisque Ducis ætate, Consensum pro Cessione Regiminis Jacobo facienda expeterent. Statim quoque eodem anno Consensus regius pro Cessione, mediante Responso, d. d. 24. Aprilis ea cum reservatione subsecutus est, ut Jacobus ante Regiminis Susceptionem, prius adhuc solitum præstare deberet homagium. Post hæc die 20. Julii illius anni Conventus publicus celebratus est, in quo prædicta Cessio, accidente Ordine Equestri perficiebatur. Ipsa Cessio illa autem, quia in præfato Responso fundabatur, haud realiter, multo minus plenarie fiebat, sed eventualiter tantum & in casum homagii à Jacobo, Regi adhuc præstanti. Effectus enim supradictæ Cessionis necessario usque ad subsecutam Jacobi Infeudationem suspensus manere debuit, quia approbatio Cessionis per Responsum solummodo data per Diploma Investituræ confirmari debebat priusquam ad effectum perduci potuit.

In Diplomate Investituræ anno 1639. eapropter impertito, Duci Friederico Jus concessum fuit, Regimen plenarie ac realiter cedere posse, hac tamen cum præcautione, ut Jacobus, post cessionem vel decessum Friederici in

in possessionem Ducatum per Commissarios Regios intromitti deberet, quo, prout jam in Laudo publico de anno 1621. §. I. praecautum fuerat, provinciae huic propter periculosa Duci Wilhelmi attentata, statim in aditione Regiminis Filii sui necessaria Securitate prospiceretur, & Gravamina ad Decisionem regiam remissa, modo compositionis abolerentur. Intromissio hæc Jacobi in Feudi possessionem statim quoque post Friederici decesum per Commissarios regios expediebatur. Ast unica etiam, ad circumstantias quippe illius temporis fese referens, in suo genere est, ideoque tam minus jam pro exemplo allegari potest, quam illa nunquam adhuc Ducibus nostris investitis pro norma fuit.

Aequo minus ea hic valent, quæ circa Renovationem Feudi ex Stryckii Examine Juris Feudalis allegantur.

Autor ille inquit in Cap. XVII. quæst. I. & 5.

Renovationem esse necessariam, quoties intuitu Feudi Domini directi, vel Vasalli, mutatio, decepsus, Feudi alienatione vel ratione felonie subsequeretur.

Pariter in Saxonia ad Jus commune iis in casibus respicitur, & necessitas renovationis Investituræ feudalnis in iis etiam solummodo casibus statuitur.

Vid. Carpzov. l. c. Part. II. Constit. 45. Def. 10.
& 17.

Quod Investituræ Feudalis renovatio etiam, cum non ad essentialia, sed ad naturalia solummodo Feudi & unice ad Jura Domini directi pertineat, à Supremo Feudi Domino expresse vel tacite, tunc etiam si mutatio Domini vel Vasalli subsequitur, remitti possit testantur.

Carpzov. l. c. P. III Constit. 27. Def. 13. &
Struv. in Syntagm. Jur. feudal. Capit. X.
Aphor. I. num. 5.

Quodsi porro ex Stryckio sequentia allegantur verba:
"Omnis Feudi Successor, quisque sit, si primus eti-
"am (nempe acquirens,) pro se & Successoribus suis
"investituram obtainuerit, renovationem Investituræ
"petere debet" tunc hic subsequentia mox verba in ea-
dem quæstione non sunt omittenda, quippe quæ propri-
am hujus regulæ feudalis rationem In se continent, & in
combinatione cum illis ita sonant:

"quia homagium tales obligationem personalem in-
"volvit, quæ hæredes ratione perjurii non adstringit."

Legatur modo, tota ista propositio in Examine
Juris feudalis, Cap. XVII. quæst. 2. Ad renovationis In-
vestituræ petitionem itaque tamdiu Vasallus tantum obli-
gatus est, quamdiu Supremo Domino Suo homagium
nondum præsttit.

Conf. Struv. Syntagm. Jur. Feud. Cap. X. Aphor.
I. Num. 2.

Cum autem Celfissimus Dux Petrus, in Fundamento
Regni Constitutionum (*) gloriofissime nunc reganti Regi
ac Domino Nostro Supremo, jam in Anno 1764. die 31ma
Decembris non solum pro Celfissimo Patre Suo, ad Re-
novationem Jurium Ejus feudalium, sed etiam pro se ipso
suaque

(*) Verbum illud in Constitutione Comitionum Coronatiois ab
Anno 1764 adhibitum, simultanee, in combinatione & in
relatione ad verba immediate præcedentia nil certius indi-
cat,

suaque Infeudatione homagium & quidem in propria persona præstiterit; ita ab eo tempore, alte memoratus Dux, Petrus, non ceu simultanee investitus solum considerandus erat, quippe cui forsan Jus tantum continuum in Feudum vel Jus aliquando succedere posse impertitum sit.

Carpz. Decif. 169.

quo in casu Ille nec homagium pro se corporaliter præstitisset, neque Diploma Investituræ obtinuisset.

Stryck in Appendice Exam. Jur. Feud. pag. 366.
& Sequent.

sed

cat, quam quod Dux Petrus, simultaneo actu, i. e. uno & eodem actu, cum Domino Patre suo realem Investituram obtinuerit, vel realiter infeudari simuldeberet; qui modus si multaneæ Investituræ etiam in Stryckii Examine Jur. feud. Cap. XII. qu. 43, fundatus est. Hic modus Investituræ si multaneæ, qui hoc in casu tantum locum habebat, qui vero propriam Investituræ simultaneæ ideam haud involvit, ita ut in Stryckii Exam. Jur. feud. Cap. XVII. quæst. 24. reperiatur, & tantummodo inter Agnatos & Collaterales applicandus est, Duci Petro impertiebat Condominium utile, absque tamen ejus exercitio, ita ut exercitium usque ad casum Cessionis vel Decessus Domini Patris sui maneret Suspensum. Dux Petrus etiam durante Gubernio Domini Patris sui ne minimum quidem Dominii Exercitium sibi arrogavit. Non igitur duos Duces regnantes habuimus; quandoquidem & hoc in Patria Nostra novum quoddam non fuisset, Etenim Diploma Investituræ Anno 1589. à Rege Sigismundo III. amboibus Ducibus Friedericu & Wilhelmo datum, utriusque Ducis non solum commune Dominium concedebat, sed etiam commune Dominii Exercitium. Duci enim Wilhelmo id potesta pro feloniam imputabatur, ut separatum Regimen pro se solo instituere voluerit.

fed tanquam talis Vasallus, qui ad Feudum illud, Condominium, Jus proprietatis, actualemque possessionem in Feudo isto eventualiter obtinuerat.

Quicmadmodum hæc omnia per Diploma Investituræ, per ampliationem Insigniorum Ducalium, prout illa per Diploma Sigilli determinantur, & tandem per Mandatum Obedientiæ postea statim huc transmissum magis adhuc confirmata sunt. Mandatum enim hocce regium, ad Diploma Investituræ sese refereus, non solum Obedientiam, Celsissimo Duci, Ernesto Joanni, ceu tunc Feudi possessori statim præstandam, sed etiam futuram, Celsissimo Duci, Petro, ceu vigore ejusdem Diplomatis in casum Successionis, per Cessionem (**) vel Decessum obvenientis designato Feudi Possessori, præstandam Obedientiam injungit. Si juxta Stryckii Examen Juris Feudalis Capite XII. quæst. 23. respicitur quæ verba Investitura contineat; tunc Investitura jam regnantis Ducis Petri ceu Iuvestitura in diem, & ceu talis Investitura adinvenitur, quam aliquando circa realem Successionem Suam obtinere debeat; absque eo tamen, ut illam anticipando obti-

(**) Nihil ad rem facit, quod in Constitutionibus de Anno 1764. Cessionis mentio facta non sit, Respublica enim puoad Subiectum Investituræ principale tantum sese explicat, Vasallum tantuminodo infeudandum denominat, quod vero Vasallus iste per Cessionem vel Decessum succedat, accidentia sunt, circa qua Reipublicæ in effectu nullum infertur damnum, quæ igitur determinare, illa absque præjudicio suo æque ac alia formalia circa id obvenientia Regi ac Senatui suo relinquere potest, Sufficit, per hanc Cessionem solummodo

obtinuerit, annexo Consensu ut memoratus Duc in casum Cessionis Feudi possessionem statim adire posset. Juxta eandem illius Autoris quæstionem, non solum Investitura in diem, in totum valida est, sed juxta quæst. 35 ejusdem Cap. Vasallus in diem investitus, Feudo vacante statim propria autoritate possessionem adire potest. Ex prolatis hisce evidentibus rationibus, neque necessitas petendæ à Celissimo Duce, Feudi renovationis, statuenda, neque, quin adita ab eodem Feudi Possessio valida sit in dubium vocari potest.

Quodsi nihilominus affirmari vellet. quod ad normam Cessionis Ducis Friederici & Conventus publici de Anno 1638. die 20. Julii, jam etiam ante æque ac ad Cessionem Conventus publicus indici debuisset; tunc id manifesto non respicitur, in quo Cessio hæc ab illa præcipue differt. Jacobus enim quippe cui Cessio ista Anno 1638 fiebat, usque eo nondum adhuc effective investi-

B
tus

modo Reipublicæ nullum alium Vasallum obtrusum esse, illumque modo, quem Ipsa nominavit, Regique suo ad investendum commendavit, illius particepem factum esse. Prout generatim etiam perspici nequit, quare præfata Constitutio Cessionis mentionem præcipue facere debuisset, cum illa & sine eo à Jure feudali concedatur, quippe quod cuivis Vasallo permittit, Feudum Suum cedere, vel juxta obloquentiam Juris feudalis refutare, quæ verba, ut hic in transitu tantum annotandum, ubique in uno eodemque sensu accipiuntur.

Vid. Oberlænder Lexic. jurid. pag. m. 599 voc. Refutatio. Vultejus de Feudis, Lib. I. Cap. X, §. 74. Sequ. & §. 77. Stryckii Examen Jur. Feudal. Cap. XIX. quæst. 20.

tus erat, homagiumque nondum præstaverat, sed per Contactum modo vexilli feudalis, Jus personale vel exspectationem tantum ad Feudum habebat. Cessio in Conventu publico de Anno 1638 peracta absque effectu, usque post exspectandem Infeudationem Jacobi suspensa erat, nullumque aliud habebat fundamentum nisi Responsum, quod autem Jus perfectum ad Cessionem operare non poterat.

Longe alio modo peracta est, Cessio Celsissimo Duci Petro facta. Ille enim post præstitum homagium cum effectu Dominii simultanee investitus est, ideoque jam longe ante Cessionem Jus reale ad Feudum obtinuit, Cessio igitur Celsissimi Ducis Ernesti Joannis nullo Responso inititur, sed publico Diplomate Investituræ. Investituræ autem Ducalcs, tam juxta Jura communia feudalia, vim Legis fundamentalis habent, quam præcipue juxta Formulam nostram Regiminis, tenore Sphi In quibus Convenitibus. &c.

Prætextæ Circulares Litteræ in Districtus transmittendæ, Ordinem Equestrem præsumtive ad approbandum convocare debuissent. Ast idem hoc fuisse, ac si Investituræ Instrumenti valor diminueretur. Usque adhuc enim Ordo Equestris nunquam convocatus fuit, ad dispositionem à Serenissimo Supremo atque directo Dominio per publicum Diploma Investituræ confirmatam & notificatam approbandam.

Dux certe, tale quid suscipiendo dubitationis de autoritate Supremi atque directi dominii reum sepe effecisset, Ordoque Equestris juxta supra citatum Sphum Formulae Regiminis pariter poenas incurrisset, si Jura Ducis, à Se-

à Serenissimo Supremo atque directo Dominio vigore solennis Diplomatis concessa, in Conventu publico dubiis subjicere voluisset. Conventu igitur publico etiam ante Cessionem celebrato, nil minus factum foret, nisi id quod Dux in Fundamento Diplomatis Investituræ jam jam suscepit.

Quodsi ad Assecurationem Ducis Ernesti Joannis in Recessu Conferentiali datam provocari vellet, Eundem nihil in publicis, nisi accidente Ordine Equestri suscepturn fore, tunc naturali modo illa intelliguntur publica, quæ à communi Dispositione Ducis Ordinisque Equestris adhuc dependent, non autem talia publica, quæ absque Nobilitatis præjudicio à Supremo atque directo Dominio jam determinata sunt, quæquic ideo Interesse Nobilitatis nullo amplius periculo exponere possunt.

Jam vero Constitutiones Comitiorum Convocationis æque ac Coronationis de Anno 1764 expresse disponunt, quod Celsissimus Dux Ernestus Joannes Ipse, vel in casu fundatorum Legalium, Filius ejusdem major natu, tamquam legitimus Successor, Regi ac Reipublicæ pro Patre Suo æque ac pro Sui Ipsius persona simul homagium præstare, eoque renovationem Jurium Patris Sui æque ac Investituram feudalem pro se ipso obtinere deberet. In fundamento horum Constitutionum, Anno 1764. post præstitum à Duce Petro homagium, cum renovatione Investituræ Patris Ejus, Sui ipsius simul Infeudatio modo solito atque solenni subsecuta est. In præfatis Comitiis Regni, & circa Investituram in fundamento eorundem peractam, Ordo Equestris per Delegatum Suum tunc Varsavie ad omnes publice peractas tractationes præsentem Juribus suis invigilari curavit, ac dispositione

Supremi atque directi dominii, Legibus horum Ducatum non contraria, in omnibus tunc, & hoc usque contentum sese præbuit. Idem ille Ordo Equestris igitur in illo, eo minus mutationem petere, neve Cessioni contradicere potuisset.

Ad notificationem itaque Conventus publicus tantum ante Cessionem præfigi potuisset. Quod autem hocco, inevitabilis Ducis Ernesti Joannis obligatio fuisset, neque expressa Lex, neque simile exemplum demonstrat. In solo potius Conventu publico pro notificatione, Ordini Equestri nullum reale subfuisset negotium, Ordo Equestris igitur ex isto Conventu publico nil nisi impensas habuisset, & Duce suo, ceu Impensarum autore haud contentus, re infecta rufus discessisset. Econtrario præfatus Dux majori cñm prudentia egisse videtur, dum statim post perfectam Cessionem, illam Ordini Equestri per litteras Circulares notificavit, eoque Successori Suo viam paravit, Conventum publicum statim ad realia negotia peragenda, nimirum pro abolitione, Gravaminum & homagii receptionem, indicere.

Si ad Summi Numinis voluntatem, Celsissimus Dux Petrus, per decessum Patris succedere debuisset, nullus alius modus locum invenisset, nisi ut Ille simili modo, vacans per decessum Regimen, statim & ante omnia adiisset, deinde per Circulares Litteras notificationem, & juxta Laudum publicum de Anuo 1692 §. I. Convocationem pro prestando homagio gravaminumque abolitione emanari fecisset. Jam vero casus Cessionis & Decessus pro circumstantiis obvenientibus in effectu plane non differt, dum Similitudo amborum horum casuum quo eodemque fun-

fundamento, Solemni nimirum Investituræ Diplomate innatur,

Quod autem objectionem attinet, Diploma hocce clandestine obtentum esse; prætextus ille apertam in se continet contradictionem. Collatio enim Feudi majoris, ceu plane publicus & solemnis Actus iupossibilitatem clandestine exportari posse in se habet, quia circa eandem omnia solito ordine & majori cum pompa pertractantur, nihilque in ea attentioni Regis, neque Senatus & Ministerii effugere potest. Æque minus vero Instrumentum super tali Infeudatione datum, clam & obreptitie obtentum dici potest. Quis enim sibi imaginare potest, Instrumentum tanti momenti, à Rege & Senatoribus subsignatum, quodque propositum totius Infeudationis cuique patefacere debet, ac exinde ante expeditionem accuratori Senatorum examini submittitur, alium habeat tenorem, quam homagium in manus Regis præstitum, & quam totus ille Actus Investituræ cum toto ritu feudali celebratus? æque minus igitur, ac homagium Solennisque Infeudatio Celsissimi Ducis Petri clandestine peracta sit, pari modo nec Diploma Investituræ Ejusdem sub & obreptitie obentum est.

Quod de cætero Dubium illud spectat, quod de expressione ista in Diplomate Investituræ adhibita, Superioritas territorialis formari voluit. nemo, nisi circa nuda verba subsistere velit, sed verbi cuiusdam sensum dissolvit, Superioritatem territoriale Duci Nostro denegabit, quippe quam Curlandiæ Ducatus ceu Feudum majus five regale, à quovis tempore possidet. Cum tali Feudo semper certa Regalia majora vel præminentiae conjuncta sunt. Summa Regalium istorum, saepius per superioritatem territoriale,

(Landes herrliche Hohheit,) exprimitur. Ita e. g. juxta confuetudines Germaniae; Feuda regalia sunt, quorum territorio inhæret Superioritas.

Vid. Mosere Jus publicum Germaniae.

Imo à multis etiam Regalia minora tantum, ceu ad ideam Superioritatis sufficientia assumuntur, prout te eo Pfeffingerus ad Vitriarium, Lib. III. Tit. 15. Membr. 2. legi potest. Absque Dubio igitur Princeps Curlandiæ, qui tanquam Supremus in Ducatibus suis, quamvis ille, juxta Jura tantummodo Feudalia sua, Regalia concessa, tam majora, quam minora exerceat, Superioritatem territoriale habet. Et hoc non solam à propositione expressa in Pactis nostris Subjectionis contenta suffulcitur, quippe ubi expresse Superioritates conceduntur, sed simul per eandem probatur, quam minus Superioritas Principum nostrorum periculose cuidam explicationi subfit.

Regalia in omnibus, Principum nostrorum Diplomaticis Investituræ à quovis tempore denominata, hæc sunt: Jus cudendæ monetæ, Jurisdictionis totalis, falva Nobilium Appellatione, porro Ducalis Dignitas & prærogativæ, quodque his convenienter absque præjudicio Supremi atque directi Domini. à Principe in territorio suo exerceri potest, ut jus aggratiandi, Conventus publicos indicendi, aliaque plura. In modo dictis Regalibus autem idea Superioritatis territorialis jam comprehenditur. Ita, e. g. una cum aliis probatis autoribus, Pfeffingerus ad vitriarium Lib. III. Tit. 15. Membr. 2. inquit. quod Regalia, præcipue majora, idem illud indigitent, quod Jus Superioritatis, quodque Jurisdictionis totalis cum Superioritate territoriali Synonima sint, Signa Superioritatis territorialis,

à Stru-

à Struvio in Corpore Juris publici, Cap. 30. §. 3. 7. 41.
fusius indicantur. Ceu Signa principalia præcipue determinat, homagium Principi, tanquam Domino territoriali præstandum, Preces publicæ pro Eodem qua Domino territoriali, & Jus principis Conventus provinciales indicendi &c.

Omnia hæc signa, tanquam vetustiores satis Principum nostrorum prærogativæ ad hanc usque diem apparent; ideoque & absque contradictione Superioritatem territorialem determinant, quamvis Nostri Principes propter nexus feudalem quo Regno Poloniae obligati sunt, Superioritatem territorialem in Territorio suo subordinate exerceant, i. e. Salvis Juribus Supremi Domini directi.

Valde igitur etratum foret, si quis Principem, quædam solnmmodo Regalia majora Ipsi concessa exercentem inculpare vellet, quod Jura sibi arroget Majestatica. Majestas enim immediate & absolute possidet omnia Regalia Majora & Minora in complexu talia. Prout etiam Stryckius, quoad Regalia Concessa, Cap. IX. quæst. 23. legi meretur.

Ad majorem convictionem quidam Minister Polonicus in Dispositionibus Curlandiæ peritissimus aliasque celeberrimus adduci possit, qui jam dudum non solum omnem punitivam sumam potestatem Ducis Curlandiæ refutavit, verum etiam solidissimis argumentis demonstravit, Ducem Curlandiæ qua Vasallum Regni, ideoque Jure Feudi Superioritatem territorialem exercere, cum illa simul in Feudum concederetur: nisi ex rationibus supra jamjam adducatis quoad hoc punctum unusquisque satis convictus esse deberet.

Quem-

Quemadmodum etiam ex tota hujus rei dilucidatione, unusquisque se ipsum satis convincere potest, quod post memoratam valide peractam Cessionem, à Celsissimo Duce Petro nil magis cum fundamento desiderari potuerit, quam ut, juxta præscriptum Laudi publici jam allegati, dc Anno 1692. Conventum publicum, pro abolitione existentium fortasse Gravaminum, Reversalium imperitione & pro præstando homagio, indicere debuerit. Cumque alte memoratus Dux iste ad legale hocce præscriptum in hocce negotio sese confirmaverit; nil quoque reliquum est, quam ut Generofus Ordo Equestris, ex sua Parte quoque legali huic præscripto convenienter sese præstet.

In Statu eo, in quo virtus pro norma agendi asfumitur, superfluum est demonstrare, quatenus cuiusvis Civis liberi innatum hoc sit debitum, rationes examinare veritatique sese obsequiosum præbere. Et quisnam ex Nobis verba finalia Formulæ Nostræ Regiminis ignorabit, quæ Nobis omnibus tam significanter hæcce inculcant, quæ Nos, ceu bene erga Patriam intentionati Cives, Domino Nostro Supremo atque directo, Duci Nostro, Nobisque ipfis debemus.

